

令耕種畜牧以厚其生騎射操習以熟其技烽火有警
即統率禦寇有功爵之有獲與之則人懷赴敵之心戰
無不克邊防自固矣且於歲稔之時官為置倉收糴以
廣邊儲公私兩便饋運可減此萬全策也至若選材武
之士以充將帥重參贊之權以肅軍政務專委寄不事
虛文其有驍勇智謀堪薦用拔擢者不拘軍民令悉遵
詔書所載行之則長城萬里有如金湯虜寇雖欲猖獗
何所施乎 一革積弊臣惟刑罰有贖止於鞭撻隸卒
有刑以供役使古今通道也切見國朝洪武末樂間臣
民不犯皆斫如律比後營造始行運磚之例以權一時

之宜因循迨今久而不革遂致廉耻道喪貪暴日滋謂
有財者得以贖罪無財者未免受刑蓋常人之資俸祿
既不足以養廉介操又不能以堅志故也如蒙准言乞
勅內外法司自今除之若不得已暫行罰贖以省徭役
許令官吏有犯笞杖公罪及庶民犯徒罪以下者收贖
餘悉依律則人無僥倖之心法有經常之守矣伏惟朝
廷設官分職共理庶政僉黜民丁充當皂隸俾之服役
初非為供用計也自洪熙宣德以來北京各官俸廩難
致柴草不敷始暫將一半放回少資贍助厥後倣倣成
風中外大小官員皆以放皂隸為名致使辦納艱難人

民靠損近蒙該部行移欽奉聖旨深燭其弊湏定額數
令悉遵守為生民之福大矣又伏觀詔書節該官吏軍
民人等有犯罪無大小咸赦除之已蒙寬宥有訖臣本衙
門前此所放皂隸盡一移文該部勾解當役不敢再放
切思愛民朝廷之盛心守廉臣子之職分如蒙准言乞
勅該部申明前欽奉聖旨事例今後在京在外皂隸止
許於本官下跟隨及一應泛雜使用再不許放回辦納
損民其皂隸有恃頑在逃者重法懲治或編發充軍在
內令御史給事中時常體訪在外令巡按御史按察司
官同加糾察如或常犯必罪不宥斯官府有應役之便

人出。身樂業之安。民安則官職亦可永保也。二事方
今積久之弊。必補革之。庶幾刑罰清省。徭役有經。治化
可成。

正統十四年九月十六日啓疏

南京翰林院侍講學士臣周敘謹啓。為安邦謹始事。臣
幸生逢聖明。不意國家近日有大不可忍言之事。臣雖
兩年以來。沾患脾疾。醫治少效。不能為自聞。今諭日
夜撫膺。揮涕寢食不寧。又無才力智能。可以赴難復讎。
恨不即自殞絕。謹竭愚忠。有可上報朝廷之萬一者。不
敢隱默不言。恭惟成王殿下承聖母皇太后命。為監國。

則天下事皆在於殿下。一人之身也。其所係者大矣。

公輔成王當承平之日。今殿下輔皇太子殿下。於有

之秋。視周公之時。又甚艱大。雖曰日望聖駕早還。以慰

臣民之思。然虜情叵測。時月悠邁。天下之大。蒼生之衆。

易以搖惑。殿下得不於此深謀熟慮之乎。蓋殿下於聖

上親則兄弟。誼則君臣。君父之讎。不共戴天。宜與群臣

如越王之卧薪嘗膽。以報吳讎。使智者獻謀。勇者效力。

必盡殲虜。寇而後已。為今之計。先須博選辯士。卑詞重

幣。暫為君父屈諭。以昔時通好。恩待如此之厚。今因奸

臣。起國與兵。構怨。遂失南北之歡。若能即返聖駕。則結

好和親世世利賴不然則堂堂天朝疆域萬里兵甲數
百萬衆得不思汎掃沙漠以圖報復哉必求其人可使
者試察遣之庶或有濟至若能返與否必當選將練兵
慎固邊疆防其再舉協力殲之俟上天悔禍宗社靈長
休養生息訓甲練兵分遣良將直擣巢穴繫其虜酋以
伸萬世之憤未為晚也愚昧之誠不能自已謹陳芻蕘
之言條列于後敬順附舍人陳亮實捧進呈伏乞賜覽
聖臣犬馬之誠不勝幸甚計開八條 一曰勵剛明君
上之德貴於明而尤貴乎剛明則物無遁情剛則事不
欺制全是二者乃克有濟易曰剛健君子曰欽明古昔聖

哲允勵乎此故能駕馭英豪平治宇內前此奸臣蔽主
之明制主之斷故權移於下致茲禍敗恭惟陛下睿質
天賦至剛至明如斷馬慎之事中外震懼稱頌伏乞益
加奮勵不懈初終幸甚 二曰親歷史古今治理國家
興亡具載典籍藉讀而知之可為鑒戒伏乞陛下擇近內
廷可延問群臣之所聞見其有失者即行改正
者與之講論善者因可勸勉其有失者即行改正
資 三曰修軍政方今切務莫逾選將練兵然思何以
致之將必多方推舉親召問以慰勉之而爵秩勿吝軍
士必設法召募將士必勸以來之而賞罰有加勸訓練恤

饑寒作之以氣結之以恩庶可底成功宜日夕與左右大臣及諸老將計議精兵是食之要不惟臨事有濟抑且國威振揚四曰選賢才國家治亂係於人才賢否而人才難知自古所病亦必思求所以知之之道夫君子難進易退小人易進難退二者混淆治道衰矣厥今人才布滿有任其賢否則不可不察數年以來權奸專政小人蒙耻冒進相師成風其間卓然守冰霜之操者僅保少禍而已自茲以往宜慎選舉以求之嚴考察以別之峻拔擢以激勸之庶舊習漸更且吏部正官及諸司屬職實庶官之本其素賢者留之不堪者選調之今在

廷群臣連章合詞推舉學識才行優最者分任本部之講求用人之要專其責委斯賢才可得治理有望五曰安民心夫民心向背國之存亡攸係不可不思所以安之今邊事方興用軍供饋皆資民力緩之不能集事急之必生變故處之可謂難矣苟不固結其心惟刑驅勢迫以用之詎可經久哉若得人居守令長民之職則處置適宜徭役有要民心服從無施不可伏乞令左右大臣計議選擇賢才以任守令庶事安民安六曰廣言路在昔堯舜大聖詢于芻蕘好問察邇故治底無為人樂熙皞誠以一人之知見有限天下之事變無

窮能集眾善則舉而克當故也歷代君臣聽言則治諱言則亂史籍可鑒前此內臣王振肆權擅政杜絕人言殺害忠良中外屏息不敢出口茲遇殿下受監國重寄繫宗社生民之托當明目達聰之時臣若不言死有餘辜伏乞再申教令許人人建白不拘忌諱惟裁擇可否施行幸甚 七曰謹微漸易曰履霜堅冰至言事當慎之於早也臣自永樂以來叨職班行伏見 太宗 仁宗 宣宗列聖臨御之時早朝大班既退即於門上說事各衙門官輪流向前惟若臣相與商榷政務罄盡所言人懷畏憚而事機不泄代 宣宗之表自正統以

來王振擅權獨立在傍於是輔弼大臣及近侍官員不得召對或有召對亦不敢詳盡故今日之禍皆由不得輪流向前說事所致恭惟殿下監國即同親政宜復舊章凡各衙門官務令各向前說事止與敷對者相知他人皆不能預聞庶得吐露肝膽陳布嘉謀殿下亦須秘重毋少宣泄且議奉皇太后於文華殿垂簾或隔一日令輔弼大臣隨殿下於簾前奏決大事毋拘時平條例以權一時之宜庶國是有歸中外有賴 八曰修庶政天下一統萬機日臻孰非當理但事有重輕勢有緩急况今弊政之餘尤難為功得不思其緊切者施之哉如

選仁大臣以端治本嚴明賞罰以養觀聽崇獎御史以振紀綱革罷監軍以專委寄講求屯種以省饋餉輯睦親藩以厚宗支旌表忠節以作士氣限禁僧道以來召募革去罰贖以澄貪濁禁抑權貴中益以通商賈招降各處寇盜以安反側修理水陸道路以便驛運整搦腹裏緊要城池軍馬以備不虞似此尚多宜令預政大臣逐一詳審條列施行則內修外攘讎耻可復邦國奠安

正統十四年十月八日奏疏

具官臣周敘謹題為制治保邦事臣伏觀今年九月初六日詔書恭惟 皇帝陛下尊臨大寶承宗廟社稷之

托係中外臣民之望群臣萬姓鼓舞歡抃謂邦國由是而求隆太平由是而可待也臣忝職詞林瞻望闕廷無任欣躍之至伏讀詔條載朝廷及軍民中事有未宜及利有當興害有當除許諸人直言毋隱欽此臣有以見陛下明目達聰好問察過之盛心何其至哉前又伏觀陛下監國時令諭惓惓以求言薦賢為急務雖周漢二宣之中興唐宋二太宗之英烈不啻過矣臣嘗不揣愚鄙條列八事冒干天聽至今悚懼弗遑寧處緣臣兩年以來沾患脾疾飲食少進恐一旦殞沒補報未能無所逃罪切思使言而死或有裨益政治庶不負列聖擢用

之恩陛下覆冒之德使不言而死同歸漸盡有玷父師
平昔之訓與已讀書之志輒再據膚淺之見應詔條陳
臣恐多言取怨獲罪又慮人臣俱明哲保身不言故敢
為之先導耳伏乞陛下垂仁宥納幸甚臣昧死謹言凡
十有二條開列于後具題謹順工部辦事官牛俊賢捧
進呈伏候睿裁計開 一開經筵備講論專對之益
臣惟人君進德莫大於開經筵必選純謹正直博學明
識之士充之講論經史畢即賜本官獨對以咨訪時政
得失人才賢否庶決壅蔽益聰明而聖學克君道立矣
必令內外大小近臣退避稍遠則敷對者得盡誠獻言

不致宣泄而治理有裨 一諭臣僚嚴內外交通之禁
臣惟國家建官分職任各有專責各有歸五府六部都
察院等衙門分掌天下政務於朝廷司禮司設尚衣等
監各衙門分掌事件於內府定制也伏惟 太上皇帝
在位恭勤節儉與民休息十有五年未有失德但冲年
嗣統倚用王振令總統內外一切之政小人乘時附勢
奔走其門百計誘助生殺予奪皆出其手積習之久權
寵日盛遂有喪師辱國失身之禍而王振身家皆遭顯
戮蓋自古奸權誤國天必禍敗之但未有若今日之甚
亦伏望陛下曉諭內外用事之臣今後不許往來交通

各思明慎禮體謙必自處職任自守庶政權下移生民
獲安太平可致 一明賞罰酌輕重予奪之施臣聞古
昔聖帝明王之治天下賞當功罰當罪而已後世人主
公之則治紊之則亂史有明鑒也伏覩詔書載奸臣黨
類不赦甚愜人心但王振之惡與其黨類尚未寘重典
榜示天下以快臣民之憤其愆從官負生還者亦未蒙
罰降以為臣子事上之戒近日雖荷寬宥尚須責令邊
上立功贖罪可也至於愆從大小之臣有功者宜陞賞
之死難者宜查理褒旌之以雪英魂於地下慰妻子於
土前或少散王振家貲給之以舒憤怨伏望聖諭俾執

政大臣計議而行其他刑政推類施之以聳天下觀聽
幸甚 一任將帥預戰守防禦之術臣惟虜寇貪虜無
厭黠詐百出計必復來防邊關修城池選將練兵精嚴
戰守厚加爵賞之策固不俟臣言但腹裏緊要城池如
保定真定彰德德州東昌濟南濟寧徐州鳳陽淮安等
處尤須密選良將勤加修理且多積糧餉廣行召募無
事分撥屯種有警統率征討以備不虞 一專委任革
監臨牽制之害朝廷選賢任能分理庶政俸祿以養之
封贈以榮之陞擢以激勸之為人臣者各有身家之保
功名之思所有差遣必須盡職否則黜降罪罰明有典

章臣見前此往往遣內臣監臨之是疑之也疑人勿用可也以故掌軍政者多失機誤事管造辦者每至斂擾人其害有不可勝言者伏望陛下當新政之始勅左右大臣及內廷太監計議召還庶各盡責任永保富貴其有機密重務臨期奉聖旨差遣者不可以一槩拘惟乞慎選而已 一慎選舉重犯賊連坐之法伏覩詔書令後方面及風憲官郡守御史悉依宣德年間令在京三品以上官舉保任用固善蓋謂大臣膺重任食厚祿不敢負國故也臣愚謂此特一端又須令中外六品以上并近侍知縣等官遇除授之後即舉堪自代或堪任他

職事者一人具其各實記于吏部未即銓選俟有闕者察詳審量加擢用其大臣及各官所舉他日犯賊連坐必罪不貸庶求賢之路廣奔競之風息 一通漕運審遠近轉輸之策臣聞古者漕運之法江不入淮淮不入汴汴不入洛費省力均可以經久今北京水路窵遠洪閘艱辛宜倣古制江不逾淮淮不逾濟濟不逾臨清臨清不逾通州俾各置倉造船般運選擇文武廉公有心計大臣總之務令管轄有要庶民力獲甦 一增屯種減軍民饋餉之勞北京直隸及山東河南附近畿甸之處地土空闊數千里宜設法分撥召募耕屯庶糧草充

積饋運可減俟虜完平定又須踏勘塞下田地依法行之庶幾邊儲永遠有濟 一厚耕桑數守令殿取之績臣惟生民衣食本於耕桑國家用度資於賦稅近年有司貪暴成風政事不理生民日用自令方面及守令佐貳官員皆以此考其功績殿最民之勤者倣古孝弟力田科目舉用激勸之事末作遊蕩者驗丁歲出布帛若干懲抑之庶力本者多衣食自足 一限僧道定寺觀多寡之額臣惟佛氏之教初惟事寂滅明心性而已爲其徒者欲惑世誣民創輪迴因果之說矯離倫絕類之行藏奸盜不逞之徒為遊手遊食之計使人崇尚信業

之然時之君臣迷惑其言崇信愈篤而亂亡愈甚以人主論之若梁武帝之捨身佛寺宋徽宗之尊崇道教卒之被圍被虜何嘗獲佑皆備載前史可考驗也以人臣論之前代不暇枚舉若令則太監劉寧大起寺於南京年僅五十而死王振廣造寺於北京而禍連主上戮及家媚佛者果得福乎蓋其興修造作實出無益而然人筋骨竭人膏血使怨憤之氣貫于宮壤背逆天理怨神明莫此為甚故耳但其為教已久遽難滅絕伏惟陛下履茲新政戒飭內外群臣毋效前非查舉洪武二十四年清理道佛二教事理悉令歸併且限禁僧道有

田土者止令自耕不許召佃妨農其歸併寺院有銅鐵
佛像者盡行銷毀造作軍器如此則偷惰自少戶口日
增曰野日闢 一公鹽法重豪貴中納之罪自古權益
之利資邊儲省饋運其益大矣宣德以前其法甚嚴
統以來內外權豪盡取其利故商賈不通龜戶日困
用不足伏乞勅該部禁革照依洪武舊制凡權貴勢要
及四品以上官員之家不許中納令御史按察司官察
糾明示重罰或編發充軍庶知警懼 一廣襍旗資
時急務之宜古者納粟補官今時出穀在義皆是助國
民伏望勅該部仍行移天下諭富貴之家無出資出

粟幾何者量與雜職一官止許冠帶不令管事又幾何
者仍依旌異之時平停止

景泰元年奏疏第一

南京翰林院侍講學士臣周敘謹題為患病事臣三年
考滿到京景泰元年二月二十二日早吏部官引奏欽
奉 聖旨着復職欽此繼蒙吏部傳欽奉聖旨侍講學
士周敘留在翰林院辦事欽此仰惟眷顧之恩天地同
大臣殞身難報緣臣兩年以來沾患脾胃虛弱痰氣喘
嗽病症累更醫治新歲稍痊近至京前疾復作見請醫
士楊萬魁調治臣切思獲依日月之光叨侍從之榮可

以朝夕摠誠少效治埃上報朝廷但衰弱多病恐辜
陛下眷顧之恩况正統十三年間曾承命着自脩宗史
未完如蒙聖恩鑒臣愚懇仍俾復職南京非惟調治前
疾抑可脩完前史以圖補報臣冒干天聽不勝待罪戰
懼之至謹具題知伏候勅旨次二十三日通政司官奏
欽奉聖旨日不准欽此

第二

南京翰林院侍講學士臣周敘謹題為頒賜書籍事伏
觀 聖朝校正五經四書編集五倫等書刻本頒賜群
臣文明之盛萬方仰載臣叨任翰林院官日效微勞後
陞除南京未獲沾蒙恩例即今考滿見本院大小官員
及南京各衙門堂上官到京者俱各蒙賜臣忝係南京
翰林院堂上官伏望聖恩頒賜前項書籍得以誦讀寶
藏永世榮幸臣不勝感戴之至謹題請旨

第三

南京翰林院侍講學士臣周敘謹題為修明統紀事臣
竊惟文編藝息馬論道人君盛德事也誠以經史典籍
不可斯湮廢古昔聖帝明王以之正心脩身以之治國
平天下以之撥亂反正以之鑒觀興替皆本於此也况
夫史籍有當扶綱常明倫誼內夏外夷正名定統以人

欲於橫流存天理於既滅者其纂脩之典烏可少緩哉
臣自束髮知讀書以來聞先達之言佩父師之訓謂前
元修遼金宋三史不合公論不當人心不免尚有夷狄
侵陵華夏之變類哉 大德高皇帝本有萬方一掃羶
之俗集然此史因循百有餘年未嘗修改臣永樂間
忝由進士入翰林屢白於管事院長或因朝廷纂修事
多不暇留意臣後陞秩南京職務清簡思圖補報正統
十三年三月內具本陳請選人刪修欽奉 太上皇帝
聖旨不必選人着他自修臣聞命以來戰兢懼罪既才
學踈淺有不克堪又初擬乞得文學老成一人并選南

京有學識官真三四人不妨本職同修皆不能遂然日
夕繙閱頗得一二不敢少緩但舊本簡冊繁多事類非
一宋史四百九十六卷遼史一百十六卷金史一百三十
五卷總計七百四十七卷切思臣今年近六十衰弱
多疾倘不殞沒假以十年庶或可成倘年壽不末則終
負朝廷之盛典乖平生之志願矣茲幸恭遇 皇帝降
下負大聖之資承列聖之統嗣登寶位中興鴻業前此
虜寇侵犯京畿聖斷奮發命將遣師殄絕無遺比者邊
將又生擒叛臣喜寧俘獻闕下置諸重刑雪讎快憤已
見端緒宗社之安生民之福皆陛下神武之所致萬方

臣庶莫不鼓舞歡抃謂太平指日可待臣愚私竊自忖
方今選將練兵慎固邊疆以防遏虜寇之策宸衷暨左
右大臣經畫必不少有頃刻自怠之念矣雖國家多事
之秋不敢以禮文不急之務為言然文武並用古今所
尚政欲示以從容閒暇不動聲色而措天下於泰山之
安之意如蒙准言許令臣自舉選不係見任及聽選官
兼詢訪有學識進士儒士同加討論臣自辨家貲贍用
不費官給以成聖明刑前代不公之史貽萬世永遠之
規社夷狄猾夏之禍俟錄藁進呈仍乞勅翰林院編
正無舛板刻以傳不惟少資睿覽實足臨鑒或行

望聖諭俾禮部翰林院取臣前年請修宋史奏章參詳
計議施行不勝幸甚臣冒干天聽無任惶悚戰慄之至
所有陳請條件開列于後謹具題知伏候勅旨計開

一南京禮部尚書王英舊任翰林院官文學老成乞勅
令任總裁臣請佐之庶得考質疑難 一聽選官一員

劉鉞江西吉安府安福縣人舊任中書舍人見今丁憂
起復在吏部本官資性通明學問該洽乞勅該部將本
官對品除授南京翰林院或別衙門相應職事令協同
臣編校 一進士一員陶元素應天府上元縣人見以
耳疾居間在家教官一員周廣江西吉安府吉水縣人

見今丁憂在家本官俱各性行清謹才學優長儒士一名蔣主忠原籍應天府句容縣人見在南京全節坊內住坐本儒學行純正文詞典雅已上三人乞勅該部移文取赴本院同臣討論其廩膳臣自備已財供贍一本院舊無寫字人負乞勅令南京國子監選撥監生二十人於本院騰寫所有廩饌就於南京國子監本等用度內支給免官府別給一筆墨紙劄臣自備已財買辦應用切見南京國子監積年監生季課送本院轉送赴內府翰林院直房收貯年久損耗壞爛乞勅南京守備官令搬出本院充草藁用自此以後監生季課乞令

止送本院交收免送直房如無修書等事考校訖分送南京尚寶司吏科等科作藁簿用庶不致損爛虛費

第四

南京翰林院侍講學士臣周敘謹奏為陳情事臣叨蒙國恩自永樂年間由進士選入翰林院歷官至今三十三年洪熙年間欽差勅命止係本身妻室宣德年間為因陳情始得封贈臣父岐鳳彼時任兵部職方清吏司員外郎自應得本等語命該臣推封之日未曾沾被切思朝廷舉褒崇之典所以勵忠臣子蒙顯揚之恩所以成孝忠孝之道立則勸賞明而治化著矣臣備員南京

翰林院三年考滿幸無過名景泰元年二月二十二日
欽蒙復職例得給受誥命該部援例謂臣父舊任員外
郎秩應五品令臣任侍講學士亦從五品父子品級相
應難於加受臣切覩諸司職掌父舊有官人子當封贈
之時許進一階又令欽定誥勅事例五品以下父母及
本身妻室俱共一道且臣於父自出仕以來未有分寸
報答如蒙准言乞勅該部或照諸司職掌例進一階或
止於臣本身應給誥命內加添二條一條贈臣父岐鳳
南京翰林院侍講學士一條仍贈臣母王氏為宜人
此則於風化有裨工本無費不惟足遂臣子報稱之志
實足以彰 皇上勸忠之恩臣不勝感戴激切之至謹
具奏陳情以聞

第五

南京翰林院侍講學士臣周敘謹奏為陳情事臣自永
樂十六年進士入翰林院由編脩歷陞今官在朝三十
有三年今年二月內以南京三年考滿欽蒙 聖恩留
用值臣舊疾復作陳情乞還原任又蒙准令還職至四
月內到任疾劇又轉左臂風痺屢請醫者將主忠陳玉
海等調治迨今十餘月作愈不常未能全効欽奉詔書
一款官員之中有老疾不堪者並許自陳致仕如年未

及七十有疾病者亦許自陳起送赴部驗實免若在
遠方有疾病不堪起送者上司驗實就彼放免明白具
奏不許扶同虛詐若有年及七十老疾而貪冒無恥不
遵者許風憲官糾舉除近侍舊臣雖年七十之上朝廷
常用者不在此例欽此欽遵欲援例放免開靜陳條中
與太平十四事上報 列聖 皇上之恩輾轉遲迴不敢
違皇以為如即援例但未寸竭圖如不陳乞救
掌在任實糜月俸恐貪員冒無恥臣愚心惶惑不安如
蒙准言乞勅該部暫許歸退養病尋逐醫藥待後
痊愈即赴京再圖補報便益謹獻中興太平事別具疏

情臣冒瀆聖聰不勝懇涸戰慄之至具本順以在南京中
軍都督府舍人彭瑛齋捧護具奏聞

第六

南京翰林院侍講學士臣周敘謹題為中興太平事近
恭遇景泰元年八月十九日詔書迎還 太上皇帝京

內外老耄倪男婦萬口一心鼓舞欣抃真古今之盛臣
未遠即赴闕廷以觀之清光臣惟正統年間權奸制

政幾敗 宗社雖運中衰原出平日不慎履霜之漸故

也幸仰 皇帝陛下性資天縱學緝日新奮發剛健族

誅權奸潛化虜賊芟除四寇乾坤再闢日月重華孝弟

之光于兩間德威之被于四海太平之業是陛下之屬也臣南京翰林院三年考滿今年二月內蒙聖恩留用臣淺福舊疾忽復作即日陳情初未旨詣越七日又蒙聖憐還任南京不深罰罪特俯徇私天地之仁殞身莫報緣自官劇又左臂風痺雖扶掌在任實叨縻俸近年六十素質脆弱醫藥不應伏奉詔書一條官員之中有老疾不堪者如年未及七十有疾病者亦許自陳就彼放免節該欽此優待之臣蓋矣然忠臣不終自全必思勉臣以補圖臣聞孔子曰為政在人取人以身董仲舒曰譬之琴瑟不調甚者必解而更張之乃可鼓也為政

不行甚者必變而更化之乃可理也當更張而不更雖有良工不善調也當更化而不更化雖有大賢不能善治也惟思臣世以儒秉忠臣之職以論思顧問而不言直道為本臣敢退而默不言今雖言開而政事因循不皆力行伏惟陛下躬行以率倡選賢以任職更化而勵精之致中興太平之業幸甚謹陳十有四事其大者獻芻蕘之言救涓埃之少伏乞睿覽寬宥鈇之誅臣昧死言謹題請旨 計開 一勤政以廣咨詢臣聞堯舜兢兢業業一日二日萬幾言人君幾事之多非兢兢業業不足以理也與觀自古帝王未有不以勤而興以怠而廢

者我太祖皇帝太宗皇帝以暨列聖臨御恪守
一道傳受皇帝陛下天下臣民仰望治平方今之時
當日是不遑復年朝之典接群臣之禮常思曰上天玄
遠何以格之陰陽和氣何以召之正人君子何以使之
親奸邪小人何以使之遠兵戎何由之整刑賞何由之
當寇盜反側何由之平今日黎民何由之安正統之仇
何由復夷虜之禍何由息伏望經筵之暇每日一二次
賜左右大臣以及近侍官員講論前所云政理以綿
宗社以福蒼生一親藩以崇祭祀臣惟陛下日蒞萬
幾且皇太子幼冲須擇至親及賢序行者取一人在所

藩凡四時天壽山三陵或一二年皇陵孝陵俾之謁祭
選正直左右輔導之可以答聖靈固宗本俟皇太子長
命厚賞祿還舊藩便益一新治以建中興書曰制治
于未亂保邦于未危蓋謂治道莫切於建官分職欲處
置區宜故也方今國家之治寄之五府六部都察院復
設通政司以統其會置內閣以密其要可謂精切矣近
時多因循苟且不相周知如掌兵馬者不計錢糧之有
無司禮樂者不審刑罰之當否典銓選職風紀者不察
人才之高下以故制治保邦之道未能盡善言臣愚欲望
陛下每日於午朝既退令六部尚書都御史通政司各

一員兼內廷太監一二員勳武一二員俱入內閣司掌
機密學士將一切政務計議詳審可否次日請聖旨處
事施行令六科近侍風憲駁覆無差失斯出天下次日
午朝退令各大臣開寫揭帖同前日日不廢又豈有權
奸之致而有太平之不成治者乎此不難乞勅在廷同
薦舉中外臣此堪人者用任之先得三四賢其各推引
之皆類賢者矣昔唐虞四凶既罪乃舉禹皋契稷其夷
蕪受皆得人而萬邦咸寧者之驗也次慎六科各道以方
面賢者任用內外大小皆賢而唐虞之治不是矣臣又
聞曰昔人君曰天下何時太平答曰文臣不愛錢武臣

不惜死則太平臣愚增添一旬曰今政事公廷於處分
則天下便太平一復邊以防外寇臣惟虜心黠詐服
叛不常令雖遠遁可不思防臣愚於將若楊洪石身只
在京師若宣府抵獨石以沿邊城壁為京藩屏宜即謀
深督遣楊俊與舊諸將士將正統十四年七月內徒棄
之者今與倭等再增軍馬糧草助之逐完守備凡耕畜
即與士軍家衆利之禁官尅培有寇逐禦功則爵賞否
則貶之至於大同及沿邊等處例皆堅備為萬年之
虜首則虜賜止却多人使或寇則大兵擊之而邊無虞
矣一修武以雪讎耻臣惟平日不忘武況胡虜憑陵

肆虐之後選將帥練兵士尤須萬方馬政臣思城南海
子地廣養無用野獸何益乞分三之一園出養馬又乞
選強幹大臣遍歷附近京師寬闊處所不問內外勲戚
貴近之臣所有草場盡行借用命太僕寺擇到好馬者
各衛所及郡縣官設法放或官給價或別圖王撥之
軍器我之所恃火器然或有時急不可施宜多制強弩
毒矢長戟大刀令人習之則我以衆技之長攻虜以一
技騎射之短豈能勝之積以數年選命大將分出長驅
沙漠繫其酋虜以雪恥何敵不摧何功不遂哉一安
民以固國本臣惟國以民為本近虜之譁擾畿內八郡

暨邊民流移雖有詔書須與招撫回業臣惟令守令無
賢何以區畫之須與在廷多人獻以策如何或罪徒流
入死免軍者俱耕種又或召募入佃一切種子牛具官
給寬多五六年納稅使樂利安之農桑人生之本令皆
開荒宜令郡縣官以申考績以殿最激勵之庶不久自
成一考校以重民牧臣惟任官皆天工而牧民尤重
天下各布政司按察司上親與左右大臣任之其績具
徵入左右在廷大臣激勸之其府州縣宜令吏部先於
考滿官察其經術出身有才堪長民者不拘府州縣佐
貳首領官及教官量加陞擢以風厲之然後移文天下

巡按監察御史布政按察二司正佐官及府州縣正官
凡舊命并考滿至京日務令以所轄官屬賢否造冊進
呈明白書填某也廉公以某事而知之某也貪懦以某
事而得之察舉公當與否亦足以課其績之殿最吏部
專委考功月季歲終清類其賢者俟其一考二考三考
到部參稽其平日所報之績面質以當時對答之辭言
之如所行行之如所言則其人果才且賢矣復試其識
見令自陳為政條件以究其蘊蓄然後列其等第引赴
御前擢陞以為守令若其見任有治績者旌異之則未
用者知自勉已用者思自重豈不安治化者乎 一專

人以副實任臣聞書曰任官惟賢材左右惟其人又曰
不惟其官惟其人今中外大小甚多剩員蓋寧缺以賢
之如保傅可掌御兼之亦宜責之燮理弘化之任亦須
入內閣或東閣參預政事不稱須效古策免庶有所責
矣御史只掌風憲不許一切辦催等事惟彈禁貪弊伸
雪冤抑且革濫員定侍班各兩畿與各布政司巡按暨
河上漕運巡察餘盡減之則紀振肅矣南京事省只每
道一人是之又南京各六部都察院等官只各一人遴
擇以賢其正則率其各司屬亦宜減省蓋一官或任或
差月俸日給使役皆為瘼政而因民也比者差大理寺

丞李茂來南京公幹過於方面之轄甚非根本之崇臣
愚惟精選風憲與六科嚴察其人不到黜貶更賢任之
則臣職自勉矣 一慎科以得真才臣聞國家用人之
賢才得人者必考試之公明不然清濁白黑不別實用
乖矣其監臨監試提調官亦選賢正者充其詞理失本
有不稱與弊者重罪其舉子必郡縣鄉里次以執結有
果素明經文行者堪入場庶不濫舉則真才得而國家
用矣須令在廷多臣申明區畫之制施行 一革弊以
紓久困惟隸卒有制刑罰有律古今通道臣嘗言之惟
須依舊令點民丁充當止俾服役禁賣辦納庶人不靠

損積年庶富加俸米廉養可也天下入刑者須只律
允悉除贖不獲已暫省徭許官吏有犯笞杖公罪及庶
民犯徒罪以下者收贖庶人無僥倖官亦自廉 一精
漕以運饋餉欽惟詔書節該各處運糧官軍今後照舊
以是民力旋又聞民力為國用廣故也臣惟今選武臣
總兵又須擇文大臣一負有計度有廉守者兼之都察
院止擇御史一負舊巡河者先於疏北河又預擇南河
御史一員於南江察發運者却同沿巡提至北京完俟
同復次擇換之俾令餉運之方畧以獻 一修書以舉
述刪臣切永樂十六年 太宗皇帝遣在建臣於天下

采訪志書命翰林院纂修未畢臣亦幸預修四府今在內閣須及完之又元時修遼金宋三史不合當時儒臣言之不聽有元江西儒學提舉楊維禎宋遼金正辯統論在內閣及臣二次奏修書在禮部緣今年三月內禮部官欲光祿寺應天府供給時虜寇擾遼奉聖旨未請臣聞此蓋天理人心之大事內華而外夷正統而定名以絕虜寇之禍即孔子之春秋朱熹之資鑑綱目之法然臣知莫於君一則非時一則臣病故當止也臣聞古今修書多於臣民之成以昭當代伏乞勅禮部翰林院詳審或官或發儒臣民有能領者承之俟呈今翰林院

刪正頒布天下既不負 皇曾祖之志又闡百年不刊之書不勝幸甚 一薦賢以圖補弊臣惟才識有限咨詢必廣古者圖忠莫最薦賢臣聞廣東布政使揭傒有猷有守有為任與吏部或都察院無施不當今廣東只惡一隅且有總兵方面可以鎮安盍召用之南京光祿寺少卿譙明戶部湖廣司主事王宇刑部福建司主事葉冕俱剛廉有為工部營繕司郎中詹冕國子監博士劉昭禮部主客司主事章綸俱端敏練達右在南京間事倘召大任皆出眾優儒士賀確學識老成張禎之冕似詞翰有行右在寓應天府地街處徵召官任

觀臣今大臣及可薦者多不精舉其未有妨賢之失故此以引之耳 一尚廉以厚風化臣惟四時代去者天之道也病疾不堪者人之命也奉詔書許老疾者放免恩至渥矣其致仕須察其平賢者略給月廩存醫藥以盡優臣之禮雖年七十有朝廷留用者不在此例亦須在廷僉言有益於國者留之免到在職或賜第半俸以俟問召之蓋大臣具瞻去處不可苟且也又子之於父母丁憂三年古今通道自此無大軍國急事不宜奪復以虧孝道庶廉恥長而風化自厚切見南京翰林院國朝創業建衙門印信須官但無纂修書等事表箋舊制新

撰簡有只管月俸米支帖而已今後本院有缺堂上其老疾難退及各衙大臣有學行不可致仕者俾充掌印只關五品俸月卓隸養廉藉之以鎮時望以優老賢耳臣久在病以任無書以年非優坐關俸月役使卓隸實是赧慚今特陳乞賜放免臣此竭盡圖忠之心而效欲廉恥之風也

右景泰元年第六疏用正統己巳七月十四日六事疏相類再廣推之敘之愚意當時若不赫然更新擢用賢人化治若天下難致太平故惓惓奉瀆臣之淺鄙學識如此倘蒙

聖旨采芻蕘之言俾左右酌祭行之庶幾有一得之裨
云臣敘謹拜識

